

## 7 Constitutio UNIGENITUS propugnata

pelle , sub mendaci epigraphie Christianarum Meditationum, & Doctrinae moralis Euangelicae. Fallit quoque plurimum Quesnelli Declamatio , quā in Pontificem invehitur , tanquam potestatis sua limites transgressum , quasi occultos , & soli Deo pervios animi recessus scrutari temerē præsumperit ; cūm axioma Theologis, & legum Doctoribus sit, Ecclesiam non judicare de internis . Propositionum scilicet Author judicari non potuerit Iupus sub ovinā pelle , nisi ab eo , qui animum introsperixerit ; sed nescit Quesnelli axioma pariter ab omnibus receptum , quod Malum , & dampnum illatum semper præsumitur malo animo , nisi probetur contrarium , vel prævaleat alia præsumptio , s. ad legem Acquili . Item si obstetricix , S. fin. & l. seq. & l. item Mella. in l. responsō , & de re jud. cap. i.

Quid autem hic contrariae præsumptionis Quesnelli adferet , quo mali præsumptio elidatur ? an vitam suam , & scripta præterita passim omnibus nota , plena novitatibus contra definitiones Pontificias audacissimè defensis , plena rebellione , & irreverentia , plena contumeliis , & assertis schisma spirantibus ?

Alexander VII. non scrutabatur cordium intima , dum Jansenistas iisdem , quibus Quesnelli solet , cavillationibus Bullam Apostolicam eludentes , vocavit filios iniquitatis . Neque Orthodoxis displicuit Leonis X. de Luther , & ejus sequacibus judicium ; neque illud de merē internis fuit , cūm de Luther Bullā EXURGE DOMINE , ait : Exterminare eam (Ecclesiam) nimirum aper de sylva ; de eodem , & ejus asseclis : Insurgunt magistri , introducentes sectas perditionis , sibi celerem interitum superinduentes .... qui zelum amarum habentes , & contentiones , in suis gloriabantur , & mendaces sunt adversus veritatem ... quorum mentem pater mendacit excaecavit , ex veteri hæreticorum instituto apud semetipsos sapientes , Scripturas easdem alter , quā Spiritus Sanctus flagitet , proprio dumentaxat sensu , ambitionis , avariae popularis causā , teste Apostolo , interpretantur , imò torqueant , & adulterant : Quid amplius de Quesnello , & sociis ejus habet Bulla UNIGENITUS ? Et quid minus illi merentur ? Scapham scapham vocant ubique Pontifices , & ligonem ligonem . Nullane opera , nullane dicta , aut scripta animum fat produnt impium , hæreticum , schismaticum , ut de hoc iudicium sine temeritate ferri possit ab homine , nec opus Divinā revelatione sit ? Nullus negaverit veros hypocritas fuisse duos præfatos Belgii reformatores , Gallum unum , Belgiam alterum , utrumque Arnaldo , & Quesnello devotum , utrumque criminibus infamem , & à Rege Christianissimo carceri mancipatum .

De meris internis non judicat Ecclesia , neque ullus mortalium , nisi temerē , judicare potest . Sunt tamen interna aliqua , quā dicas , factisque foras profiliunt , siue indubitatum omnibus faciunt indicium . Si presbyterum , quem pia loquentem audieris , in turpissimis actibus deprehensem , censeas spurcum animo esse , & hypocritam , nemo temeritatis te accusabit , nemo injustitiae . Hæresis autem pertinaciter defensa , non minus crimen est quā fornicatio . Concilium Constantiense sess. 8. præmisso Euangelio , Attendite à falsis prophetis , sententiam pronuntiantis adversus errores Wickleff , exordium instituit , quale CLEMENTIS XI. præfigit damnationi dogmatum Quesnelli : Fidem Catholicam , inquit synodus , sīne qua , ut ait Apostolus , impossibile est placere Deo , à falsis ejusdem Fidei cultoribus , imò perversi impugnatoribus , & per superbam curiositatem intendenter plus sapere , quā oportet , mundi gloriam cupientibus &c. Ibidem dicitur , novorum certaminum , quae vetus ille , & invitus hostis , Diabolus , suscitavit , Dux , & Princeps Joannes Wickleff pseudo-Christianus , qui dum viveret , adversus Religionem Christianam , & Fidem Catholicam pertinaciter afferuit , & dogmatizavit plures articulos , quorum 45 referuntur . In articulos autem similis sententia fertur ei , quae in Quesnellianos . Dein contra ipsum Authorem : Hæc Sancta Synodus definit , & sententiati , cumdem Joannem Wickleff fuisse notorium hæreticum , pertinacem , ac in hæresi discessisse , anathematizando ipsum pariter &c. Fuitne temeraria Synodus , aut animi penetralia soli Deo nota , investigare præsumpsit , cum de Wickleffo , & ejus sociis declaravit , quod falsi fuerint Fidei cultores , imò perversi impugnatores , per superbam curiositatem intendentes plus sapere , quā oportet , quod in hoc mundi gloriam quæserint , quod Wickleffus fuerit pseudo-Christianus , Hæreticus , pertinax , & in hæresi discesserit è vita ? Hæc omnia sat certis constabant externis indiciis , ut de perverso animo Concilium absque erroris periculo judicaret .

Idem est de Leonis X. adversus Lutherum sententia : idem de CLEMENTIS XI. contra Quesnelli ; quanquam hæc mitigior in eo sit , quod ab Authoris nomine abstineat , nec in eum anathemate , aut nè suspensionis quidem poenā animadverterit ; sed salutiferā , & solummodo confusā , quā plus meritus fuerat , objurgatione . Omitto Joannem Huss in eodem Concilio non solā opinionum damnatione , sed vehementi pariter reprehensione multatum , quæ hypocrisis ejus , & lupinus sub ovinā pelle latens animus detegitur , ac dein de Sacri Ordini